

餘杭縣志卷四

官署

邑城自漢熹平初徙溪北肇建官署相沿至今成毀不一近功令請帑修葺分年扣還居是官者隨時補苴急民緩已無暇改爲今祇據載在舊籍及現有規模錄存梗概俾後來有所攷焉

餘杭縣署 在茗溪之北按輿地志舊城在茗溪南轉東二里漢熹平二年縣令陳渾徙於溪北通濟橋之西半里面溪距百步許卽今署宋宣和中方臘亂燬于兵縣令江袤重建建炎間燬縣令張允嗣復建乾道四年改創縣門爲

餘杭縣志

卷四

官署

一

譙樓紹定六年縣令趙希磐新之元大德五年達魯花赤忽都魯沙拓廣之延祐二年縣尹王昌復新之至正末兵燬明洪武二年臨安主簿黃思道署縣事建幕廳廊廡重門東北縣丞宅東南典史宅西北主簿宅西南吏廨并園扉庖庫具備永樂七年知縣林源重修後堂吏舍廊廡獄禁宣德間縣丞顏鎔重建譙樓正統間縣丞邱熙岳重建川堂衙舍天順四年知縣鄭軾更新之自爲記六年知縣朱倫重修正堂成化十五年知縣武英建戒石亭改建正

堂抱廈

按府志知縣武英以成化十四年任鄭軾亦以成化十四年任似係同以十四年新舊交代也此云

天順四年既誤又據武英自撰重建琴堂記云成化癸巳冬予承乏餘杭則武英以成化九年任府志作十四年任

者亦誤而此言天順四年二十三年知縣尹璋重建大門宏

年鄭軾云云誤尤甚矣治元年知縣孫冕遷譙樓於儀門外十五年知縣冉繼志

復建後堂及申明旌善二亭吏舍二十間正德七年知縣

彭辨之改建土地祠於縣倉之北嘉靖四年縣丞賈明通

重修正堂增置衙舍知縣曾玉山重修大門儀門六年知

縣王確仍於後堂東偏建思補亭亭南建冊庫卽架閣庫

七年建旌善亭與申明亭對峙重修譙樓三十八年知縣

何瑩於儀門外闢通兩腋東穿太平巷西穿松楊巷四十

一年知縣張應亮以堪輿言不便東偏建賓館三間塞其

巷道西偏亦建亭塞之與賓館相對又以正堂卑隘更爲

修建萬歷三年知縣萬士禎重建譙樓郡人陳善爲之記

二十七年縣丞李果改造本衙廳舍二十九年譙樓回祿

知縣盧欽明改造大門三十一年知縣程汝繼改創譙樓

扁曰清遠并改儀門又創集瑞樓規模壯麗三十九年知

縣戴日強以照牆逼隘遷之街南建武林首鎮坊屏蔽內

外四十年後堂左偏改造架閣庫樓以置冊籍更造銀庫

覆以巨石重其啓閉右偏增造公餘讀書軒堂左修飾鑾

駕庫用尊儀仗衙內增造論世軒六房卑圮壘石增基更

爲創造砌築東西兩道週圍加葺牆垣獄內倍加堅築衙

後造更樓三間鑄大鐘於譙樓縣丞汪彥欽重建貼堂公

署主簿廖錦重建巡捕廳典史廖鳴鶴重建贊政廳萬歷縣志

國朝康熙八年知縣張思齊重修衙舍於小堂東偏添建平屋

五間西偏添建書屋南北各三間後建平屋六間又於西

偏之南蓋茅舍四間北蓋平屋三間復以牆外主簿舊衙

廢址闢為園圃北構茅屋三間以課子弟最南構茅屋三

間以居巡更守舍者舊縣志二十三年知縣龔嶸於宅堂之

後建大樓三間佐以抱廈顏其樓曰德慶續縣志乾隆二十

二年知縣陳夢麒重修樓屋

宋洪咨夔趙邑侯重建餘杭縣署記餘杭茗雲之津會客冬予奉親行雲上諸山扁舟循茗溪而下間登岸從牧翁溪媪輩競誦吾令年方壯而識老政出清淨民曾不省有官府也因以野服謁令肅客于丞舍起詢之則曰縣治舊占

餘杭縣志

卷四

官署

三

溪南後徙於溪北宣和焚於睦寇江令表重建建炎焚於金師張令永嗣又建之閱年百餘浸淫穿蠹圖撤而新之心念邑近在畿內地望非不巍然大也而土薄水淺十日晴則告乾三日雨則相戒為溢備民以故亡蓋藏而令以負租督過者十七八所急有甚於屋者見大夫以朝士來宰乎此苟可撐扶以了歲月何新為新之寧不勤其民而自滋紛紜耶未信迄乎成也越歲月若人過予門曰縣之署成矣治事之廳退食之堂宴息之室崇樓邃閣表裏中度發地得中鬻遺址位置面勢且還其初矣屋後惡木冗莽鷓鴣鼻狐狸舞怪之地薙翦不留餘拓園結亭竹木森列氣象一新矣而田里宴然罔聞知嗟夫縣無劇易弱者以狃俗為安違卹我後強者惟力是務一役之興萬戚之乘也於此能於政休俗暇儲材庸力以植壞起仆使吏治尊嚴一毫不以動其民至斥圭田再歲之入以食功可表也已惟昔聖賢道之盛有本末而無內外其用力自相在爾室始蓋萬室之治不如一室之難也言偃宰武城澹臺滅明非公事未嘗至室是室之嚴所親必直諒所講必正大所踐必誠敬誠辭詭行姦聲亂色無一得以搖吾之清明而絃歌之化行矣令其進於是乎役起正月己未訖于五月癸丑令公族名希磐以進士試刑法中其科嘗為大理

評事云紹定癸巳  
秋七月甲子記

明武英重建琴堂記國家開設縣治必首建廳堂以爲聽政之所宣布聖天子德澤於吾民也餘杭古杭屬邑廳作於國初歷年滋久梁棟爲風雨空穿榱桷朽腐成化癸巳冬予承乏餘杭下車卽議維新以旱澇相仍公無贏資急于民瘼未暇也成化戊戌歲豐時和思亟亟新之謀諸寮案以事請各憲臺俞其請余領綱佐貳相其計擇士民董其事費於官者爲錢若干用人力積若干用良材堅甃若干經始於是年季冬落成於明年孟夏其規模宏敞增故制也高櫺層簷秩如也廳後爲軒格以窗櫺牖明也結川堂于後賓賢也東幕西庫儀門鼓閣六房神祠咸去舊更新一具備噫頽於前而興於今是亦有數存焉耳夫豈偶然哉工旣繕完吏民咸闐懌而余疇昔之圖庶幾少副於是援子賤宰單父鳴琴不下堂而治故事屬其楣曰琴堂因諡諸衆夫鳴琴而治子賤何以臻此蓋得孔子爲依歸薰陶有素是以治心治道治效各垂汗簡余才非子賤志期單父蒞斯堂亦思昔聞諸父師爲治之道有無待于外求者益加操省使吾方寸清明純一不雜真有以爲爲政之地以致無窮之道清而慎慎而勤勤而久久而化將家禮

餘杭縣志

卷四

官署

四

樂戶詩書士衿佩農耒耜優優乎世之泰和駸駸乎風之鄒魯援琴鼓之雍容古雅足以暢幽鬱怡情性於中和其治效未必頡頏古人於治心治道良亦無愧是志未涯也若徒新厥堂矜厥功不自新厥德以潤澤生民實負朝廷付託矣因書而刻諸石以自攷成化十五年歲次己亥孟冬吉日記

國朝

朱嗣華自新堂記百里拱衛之內天子命吏之所居北庶具瞻椽屬奔走以給事其地蓋至重也奉新宋侯來牧吾餘吏習民恬百廢修舉自辟雍城郭河渠諸役次第告竣乃以餘力廓其廳事之後廡構一堂以屬內署不費公家不役民力曾未幾月而厥功又成深簾靜几琴鶴在御顏其堂曰自新方殷殷以訪道下賢爲事而無一自足于己者時余方薄祿漳海缺音支離重譯而通一語較視吾餘誠不可以道里計也顧自以治漳之心治人吏與民宜不相習以自治之心治漳則吾與若等人耳奈何反扞而格之愈知我侯自新之意能益我矣蓋前此公堂之後楹桷不設墉垣黯然自戟門以至公堂自公堂以至衙署內外遼遠壅而不聞幽隱之情無不達卽其經營措置之間隱然之上無不聞幽隱之情無不達卽其經營措置之間隱然有衽席斯民之意焉而又于聽政之暇延見邦之縉紳大

夫及有聞之賢者一時民物之利弊聞者必行行者不倦則斯堂之所得不既多乎丙午之冬余從儀部請篆道經里門一接余於是堂進酒陳詩以餘邑之嚮化爲樂不以德化之速成爲功余額手以

天子之得賢宰爲慶倘有如其教化者數百輩布列天下以禪其自新之化則斯民之受其教化者當不徒爲一隅之幸也余蓋留連于我侯所以成是堂之意深余所以師我侯之心浮劍津以遡茗霽我知其源流之有合也遂退而爲之記張思齊嘉樹庭記樹之植不知幾何年其在署中所閱歷更不知幾何人葱鬱蔽空干雲直上能得其趣者悠然以解余初來斯署猶是樹也破椽危壁瓦礫堆積塵網四結莫敢佇立其下因歎有是樹而不知賞樹負人人負樹乎特於其下構茅舍四間廣敞不設戶牖名曰嘉樹庭坐對披蔭涼風四集可以滌煩暑蠲躁慮公餘二三知己把尊共賞亦足以暢敘幽情夫心靜則政不苛急政不苛急則民得以休息是樹也將以蔭一邑而有餘豈徒供翫賞已哉願以告後之君子

龔嶸縣衙德慶樓告我詩并引曰予家居榕城東有樓曰山影即大父與家君讀書處也嶸幼遵庭訓不敢違尺步

餘杭縣志

卷四 官署

十餘年來隨大父向家君任猶恍然樓居時今筮仕禹航大父每自家君署往來適形家以中宅屬木宜建樓示聳正與意合因創建焉工成題曰德慶亦以誌家訓云爾傑構樓成牛斗懸郊原城郭倚欄前開襟敢擬庾公興化俗還慚單父絃萬石傳中叨祖德五雲高處祝堯天登臨自幸稱家慶世業王程共一編

龔嶸問心齋課士卽事詩春城花氣遍前湖湖水文心得意無共把彩箋修五鳳擬將班管序三都桑麻到處風猶古詩酒平生興未殊祇愧不才南郭子頻求好友補吾愚一時賦擬長卿倫中原旗鼓誰居最官樣文章定幾人莫惜枕間多祕寶放衙無事日過陳

鑾駕庫 在縣堂之右庫內安設 龍亭儀仗因年久損壞

康熙十年知縣張思齊重置 舊縣志下同

戒石亭 在縣儀門內甬道中成化間知縣武英建亭銘石

尚存 石銘云爾俸爾祿民膏民脂下民易虐上天難欺

今考吏學指南云漢唐以來未嘗有之五代時蜀主孟昶始頒令箴於諸邑凡二十四句宋太宗摘其一十六字頒行天下至高宗紹興間復以黃庭堅所書命州縣長吏刻之庭石至元癸巳參政徐容齋改書其銘曰天有昭鑒國有明法爾畏爾謹以申刑罰

申明亭 洪武四年建於縣東二里半八鄉仍立公所十四年改建縣門之東後復改於儀門之東宏治初知縣孫冕遷於譙樓外之東又安樂鄉申明亭一所在縣東二里大街北亭廢址存 舊制凡遇民間爭鬥及戶婚詞訟里老拘於此亭從直剖理

餘杭縣志

卷四

官署

六

按周禮大司徒里宰以歲時合耦于鞠鄭康成注云耦者里宰治處若今街彈之室又趙明誠金石錄有跋昆陽城中漢街彈碑是知周名鞠漢名街彈之室今之申明亭也語見楊升庵集

旌善亭 在縣治譙樓之西與申明亭對嘉靖六年圯知縣王確重立 舊制凡遇民間孝子順孫義夫節婦受旌表者書於亭楣

思補亭 在本縣後堂之東嘉靖六年知縣王確建  
縣丞署 在縣署二門內東北隅門臨蓮池中爲大堂後爲寢室西偏爲書室有老桂一本商飆薦爽清芬四溢其他庖福之所咸飭備焉

典史署 在丞署東南面池闢門有水竹之趣中爲大堂後

為寢室旁舍數間足備退息

二署舊志略而不詳今補

學署 舊在明倫堂後兩訓署舊在明倫堂東西兩旁屋廢址存前教諭楊鼎于明倫堂西舊址建齋堂二所翼以崇垣今為司教署室其東齋僅存廢址康熙十五年復設訓導于明倫東廊號舍為訓署二十四年知縣龔嶸大集紳士遵奉撫院趙公頒發敬一錄講于明倫堂捐俸修治兩廊號舍將東齋舊址構屋三間仍為司訓之署

續縣志

雲路 由儒學門進折而稍東向有敞廳三間額曰雲路順治初毀知縣龔嶸于康熙二十四年三月修兩廊號舍復于舊址構雲路三間以復舊焉

續縣志

今為奎樓樓下仍額

餘杭縣志

卷四

官署

七

曰雲路

學署前雲路舊由大街進轉西紆折而入因正中為民塵阻塞也乾隆十一年秋民塵火時有庠生沈一鶚呈請闢通雲路其詞云紅霞匝地依稀筆燄摩霄紫霧彌天彷彿奎光射斗是王路平平即志士揚鑣之日泰階秩秩正才人杖策之秋云云縣令陳侯永清允其請邑士捐貲購基遂成達術其臨街頭門邑貢生陳丹捐建嘉慶十二年移建崇聖祠於明倫堂即改故祠為明倫堂宏敞稍遜於舊而與教諭廳事前後相屬於規制為得

國朝任昌運學圃入詠瓜棚云綠葉蔽吾廬亭午如日昃時見秋瓜生匏繫猶堪食豆架云我住青豆房虺蔓見藤絡時

有秋蟲鳴客睡何曾著菜畦云灌園有真趣羣詞鉏菜翁  
吾甘抱甕汲課婢捉雞蟲芋坡云蹲鴟本禦飢種自岷山  
下風雨颯然來高荷響秋夜竹軒云此君敞幽軒籤帙生  
微綠新筍抽園林編籬補茅屋芟池云閣閣官蛙鳴重重  
菰葉綠鳩鵲不避人飛向芟池浴菡籬云前山一夜雨青  
峭羅數峯白衣忽送酒餘興呼鄰翁樸巢云空庭得老樹  
飛鳥巢其巔相風知  
向背得氣乃獨先

尉司 在縣東一里元建今廢

舊縣志下同

石瀨巡檢司 在縣東北三十五里宋元皆建於此今廢

石瀨稅課局 在縣東南二里市司坊內明洪武初開設宏

治間裁

河泊所 在縣東三里集慶坊西明洪武十三年開設後裁

陰陽學 在縣南橫街安福坊東洪武十七年開設今圯

餘杭縣志

卷四

官署

八

醫學 在縣前三里三皇廟側洪武三年開設惠民藥局本  
年復徙置於縣之東南洪武十九年學設於惠民藥局內  
遺址尚存

僧會司 在縣南二里永安寺內洪武十五年開設

道會司 在縣南一十八里洞霄宮內洪武十五年開設

行署

察院分司 見府志今不知所在

布政分司 在縣治東半里儒學之前正統六年縣丞邱希

岳建後圯嘉靖二年知縣喻江重建今圯

按布政分司基地康熙二十二年邑令龔嶸遷建社學  
于此坐西北莊黃字二千二百十七號地五畝一分二



釐九毫詳  
卷五社學

按察分司 在縣治東澄清坊內萬歲橋之右洪武年間知  
縣梁初建萬歷三十三年知縣程汝繼重建左造府館右  
造縣館及供給所四十三年知縣戴日強於堂左增抄案  
房又建貞度坊於門今圯

府館 在舊儒學東二十步今圯

餘杭縣志卷四終

餘杭縣志

卷四

官署

九